



UNIVERSITÄTS-
BIBLIOTHEK
PADERBORN

**R.P. Leonardi Lessii E Societate Iesv Theologi. In D.
Thomam De Beatitudine. De Actibus HUMANIS. De
Incarnatione Verbi. De Sacramentis Et Censuris.
Prælectiones Theologicae Posthumæ**

Lessius, Leonardus

Lovanii, 1645

Art. 3. An conuenienter enumerentur opera satisfactoria.

[urn:nbn:de:hbz:466:1-72898](https://nbn-resolving.org/urn:nbn:de:hbz:466:1-72898)

72
Si immissa
ex commu-
ni prou-
dentia.

Dico Secundò: Flagella quæ secundum com-
munem cursum rerum obueniunt, non videntur
satisfactoria, nisi quatenus ad id acceptantur.
Probatur: quia ista non directè insiguntur in
hunc finem, sed præuiso peccato originali secun-
dum naturalem rerum cursum permittuntur; vn-
de quasi naturaliter obueniunt. Quatenus tamen
acceptantur, tanquam à diuinâ Prouidentia ob
nostram salutem permissa, sunt satisfactoria; eo-
que magis, quò maior est afflictio.

ARTICVLVS III.

An conuenienter enumerentur
opera satisfactoria?

73
Tria gene-
ra operum
satisfacto-
riorum.

Docet hoc Articulo esse tria genera operum
satisfactoriorum. Primum est *Ieiunium*, ad
quod reducuntur omnes aliæ asperitates, vt cili-
cium, humicubatio, voluntaria corporis verber-
atio &c. Secundum est *Eleemosyna*, quæ continet

omnia opera misericordiæ corporalia & spiritua-
lia. Tertium est *Oratio*, quæ continet omnem
adorationem & cultum Dei, meditationem, con-
templationem, actum fidei, spei, charitatis &c.
Ratio est, quia hæc omnia sunt quodam modo
pœnalia. Ieiunium enim per se affligit. Eleëmo-
syna etiam quodam modo pœnalis est: nam sub-
trahit pecunias & bona temporalia, & plerum-
que cum labore coniuncta est: & quamuis non
semper sit molesta, neque positiuè pœna, est ta-
men pœna priuatiuè, subtrahens homini aliquid.
Oratio etiam pœnalis est, tum quia nõ sine labore
perficitur, tum etiam quia spiritum hominis de-
primit, & Deo subijcit.

Petes: Quodnam ex istis operibus est magis
satisfactorium. Respondeo: ceteris paribus, id est,
si ex æquali deuotione procedant, magis satisfac-
toria est afflictio corporis; dein oratio; tertio
eleëmosyna. Quodam tamen modo eleëmosyna
est maximè satisfactoria, quia excitat alios ad
orationem pro nobis. Vnde præcipuè in Scriptu-
ris commendatur.

Quod nam
ex his ma-
gis satisfac-
torium?

Q V Æ S T I O X V I.

De Suscipientibus hoc Sacramentum.

Querit hîc D. Thomas Primò: Vtrùm pœ-
nitentia possit esse in innocentibus. Secun-
dò: Vtrùm sit in Sanctis qui sunt in gloria. Ter-

tiò: Vtrùm sit in Angelis bonis seu malis. Sed
hæc explicata sunt supra quaest. 85. art. 4. dub. 2.

Q V Æ S T I O 17. 18. 19. 20.

His quatuor Quaestionibus tractat Diuus
Thomas de potestate Clauium. Et qui-
dem in quaestione 17. agit de entitate &
quidditate Clauium. In quaest. 18. de
effectu eorum. In quaest. 19. de Ministris Clauium.
In quaest. 20. de his in quibus potest exerceri vsus
Clauium. Sed hæc non habent peculiarem diffi-
cultatem, quæ hæcenus explicata non sit.

Clauis
Metapho-
ricè signi-
ficant po-
testatem
Regendi.

Notandum solùm: *Clauis* in Scripturis Meta-
phoricè accipi, pro potestate spiritali in subditos,
nam clauis sunt signum potestatis regendi. Vnde
Magistratui dantur clauis vrbs: Oeconomo,
clauis domus. Sic Isaia 22. vers. 22. *Dabo clauem
domus Dauid super humerum eius*, id est, summam
potestatem spiritali in Tribu Iuda; & in Apo-
calyp. *Qui habet clauem Dauid*, id est, qui habet
summam potestatem in domo Dauid, id est, in
Ecclesia. Strictè verò accipiuntur *Clauis*, pro po-

testate remittendi & retinendi peccata, quibus
clauditur regnum cœlorum, quæ potestas Apo-
stolis collata est Ioannis 20. Vnde à Doctoribus
hæc definitio dari solet: *Clauis est potestas ligandi
atque soluendi, qua Ecclesiasticus Iudex dignos recipere,
& indignos à regno excludere debet.* Quare, etsi in
veteri Testamento fuerit aliquo modo potestas
Clauium, vt patet ex loco Isaia citato, tamè prop-
riè & strictè loquendo soli Sacerdotes Noui
Testamenti potestatem Clauium habent; quia so-
li impedimenta regni cœlestis possunt tollere.

Clauis Ec-
clesiæ, quid?

Porrò actus huius potestatis sunt, *præcipere, ve-
tare, dispensare, absoluerè, punire*: de quibus gene-
ratim dictum est in Tractatu de Legibus, & ex
parte supra. Solùm superest vt hîc in particulari
dicamus de pœnis Ecclesiasticis, quæ sunt *Excom-
municatio, Suspendio, Interdictum, Irregularitas.*

Eius actus?

DE